

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0066063 26
Zenica, 31.03.2026. godine

OPĆINSKOM SUDU U VISOKOM
Sudiji za prethodno saslušanje
VISOKO

Na osnovu člana 45. stav 2. tačka i) i h) u vezi sa članom 241. stav 1. i članom 350. Zakona o krivičnom postupku FBiH, **p o d i ž e m**

O P T U Ž N I C U

Protiv:

O. I., ...,

što je:

dana 24.09.2025. godine u 09:51:17 sati, u V., ugrozio sigurnost O. E. da će napasti na njegov život i tijelo, te na taj način izazvao uznemirenje građana na način da je, pristupio na šalter za prijem i slanje pismovnih pošiljki u ...-Poslovnica ... na adresi ..., grad V., te tom prilikom poslao pismo sa prijetećim sadržajem zapakovano u bijelu kovertu naslovljenu na ..O. E., ..., koje je zatim pristiglo na adresu O. E., a koje pismo sadrži slijedeće ozbiljne prijetnje: „E. neka čujem još jednu riječ od tebe bit ćeš pucan dobro razmisli šta radiš i šta pričaš dobro da znaš“, svjestan da će dostavljanjem navedenog pisma sa prijetećim sadržajem, tj. upućenim prijetnjama, izazvati osjećaj straha i uznemirenosti za život O. E. i izazvati uznemirenje građana, što je i htio, koje ozbiljne prijetnje su kod oštećenog ugrozile osjećaj sigurnosti, izazvale ozbiljan strah, osjećaj uznemirenosti za njegov život i tijelo,

dakle, ugrozio sigurnost ozbiljnom prijetnjom i na taj način izazvao uznemirenje građana,

čime je učinio krivično djelo ugrožavanje sigurnosti iz člana 183. stav 1. KZ F BiH.